

XX. 105. PASSIFLORA *minima* foliis trilobis integerrimis: lobis sub lanceolatis, intermedio productiore. *Spec.* 959: 20.

*Radix* annua.

*Caulis* herbaceus, cirrhis alte scandens, filiformis, plano-compressus, glaber, superius pubescens, Ramis raris, axillaribus, contimilibus cauli.

*Folia* alterna, triloba, uncialia s. biuncialia & supra, lobis lateralibus ovatis, patentibus, intermedio duplo longiore, oblongo; margine integerrimo, glabra, levissime pubescentia. *Petiole* teretifsculi, supra sulco exarati. *Glandula* duæ in medio petioli, juxta marginem sulci, pedicellatæ, turbinatæ, glabræ, disco concavo, depresso. *Cirrhus* axillaris, longus, spiralis, filiformis, simplex. *Stipula* erectæ, lineari-acutæ.

*Flores* axillares, duæ. lateraliter supra cirrhum juxta stipulas. *Peduncul* filiformes, simplices, unciales. *Involucrum* nullum.

*CAL.* *Perianthium* monophyllum, planiusculum, ad duas tertias partes quinquepartitum: *laciniis* lanceolato-linearibus, foras convexis.

*COR.* nulla.

*Nectarium* circulare triplex, calyci innatum,  $\alpha$ ) *exterius* radiatum patens: laciniis filiformibus, obtusis, simplicibus, viginti sex circ.  $\beta$ ) *interius* multiplex, multifidum: laciniis filiformibus, brevissimis.  $\gamma$ ) *intimum* monophyllum, integrum, marginis instar erectum, lineæ quartæ circ. partis altitudine, per totum arcu plicatum, plicis ultra triginta.

*STAM.* *Filamenta* quinque, apice inserta columnæ, filiformia, calycis dimidiæ longitudine, lineari-plana, post florescentiam reflexa; ante apertionem fere florum pollen dimittitur. *Antheræ* lineares, utrinque obtusæ, planæ, incumbentes; *Pollen* minimum, globoso-oblongum, glabriusculum.

*PIST.* *Germen* globosum, apici columnæ in sinu staminum impositum. *Syli* tres, erecto-patuli, sursum paulo crassiores. *Stigmata* obtusa.

*PER.* *Bacca* pedicellata, globosa, obtusa, superne tribus lineis obsolete striata, glabra, unilocularis.